


www.BibleForChildren.org

Mateo 26



Beju sucuta
tsine yani hue
pascua tsine
puji Jesús da
Lázaro sa ete su
Betania ejude su
putiana. Tueda Lázaro da
Jesús ja equene id'
emetaibana. Da su beju
mesa edue María ja litro
edusete chujeneda saida
puida dusetana. Tueda puida
nardo banime puina. Duse putsu,
Jesús sa ehuatsi bia su d'uichatana. Da su
muriatana mesa echuaina neje. Ehuani neje
ete sejeatana.



Da su piada Jesús sa discípulo Judas Iscariote
sacerdote aida cuana peje su putiana cuaja Jesús
tuna peje su menajatiame ya equisa
puji. Sacerdote cuana ja Judas
daja epuani id'aba putsu,
beidaji putana huecuana. Da
su chipilu etia jamitsuti
tiatana huecuana. Da hora
jenetia Judas
japibapirutiana
cuaja Jesús
sacerdote
cuana peje
su emenajatia
puji.



Da su cuaja Jesús ja
cuatsasiatana nime, atana tse.
Pascua tsine jana basetatana tse.
Tuneda beju ediadiatani cama,
Jesús ja pan jemitsua putsu,
diusulupai Diusu atana. Pan
ped'uped'ua putsu, discípulo cuana
herereatiatana. Uja atana huecuana:
—Mediaque. Ye pan da
quema equita pu
cua nime. Daja
huecha vinoji
emeji jemitsua
putsu, diusulupai
Diusu atana.



Vinoji emeji berereatiatana
huecuana. Uja atana huecuana:
—Pamapa su meid'ique ye emeji
jenetia. Ye vino da quema ami
pu cua nime. Quema ami
ed'uichati putsu, Diusu ja
cristiano cuana mesa jamitsuti
eichacua etiata. Dueji cristiano
cuana eperdonatayu,
quema ami
ed'uichati
putsu.



Jesús ja Pedro atana: —Simón, Ishahua ja Diusu bajatana micuana jubida yaba puji. Beju yama Diusu jubida bajana tu peje su mique janimetuheatu cuana ehueiti mahue puji. Da su beju mida ema peje su enimetuheatuicha su, nimetuheatameque mique edue cuana. Da su Simón ja Jesús uja atana: —Echua Puji, ema da mi tije epu emanu teje.



Jesús ja Pedro jeutsutana: —Pedro, yama mi butsepi equisainia, jiahue dhidha huaripa deja queiji mahue su, "Aimue yama Jesús shanapa", quimisha nuati mida epu.



Da su beju Jesús da mesa
discípulo cuana neje
cuinatiana Getsemaní
banime et jude su. Dapia
cuinati putsu, Jesús ja
discípulo cuana uja atana:
—Meaniuteque upia. Yama
Diusu emitsuti chuadera.
Beju uja Diusu atana:
—Quema Tata, miqueda puji
mu pamapa ai cuana atasaida.
D' eji su aque ema curusu su
sufrimiento epusiu jenetia.
Daja biame, mique tsada bahui
papu. Be quema tsada mu papu.



Da su beju Judas di dapia cuinatiana jucuada templo
sa soldado cuana neje. Fariseo, sacerdote huaraji
aida cuana ja beitutana huecuana Jesús eina puji.
Tueda soldado cuana beju metseji, huedaji
cama putana. Da hora su hue piada
discípulo ja sacerdote cuana sa
echua puji sa emebajaji sa bai
eni bene eid'aja
siquijusiatana. Da su beju
Jesús ja cuatsasiatana
huecuana: —Da teje hue. Be
daja meaji. Jesús daja
emimiani je, emebajaji sa
eid'aja d'apabatana. Beju
saisiametana eid'aja.



Da su Jesús inatana huecuana. Sacerdote cuana sa
echua puji aida sa ete su dusutana huecuana. Beju
Pedro tuna tije putiana uqueda uqueda. Ete su
cuinati putsu, pia cuana
ja cuati turutana
etsequeini su. Cuati naja
su aniutetana huecuana.
Da su Pedro di cuati
naja su tuna duju
su aniuteana.




Beju pia sacerdote cuana
sa echua puji sa
emebajaji dapia netina.

Mesa edue puji puina
Pedro ja id'aja
siquijusiatana. Tuahueda
Pedro quisabatana:

—¿Aimue jia maida yama
mida Jesús neje bana olivo
equi eti jude su mahue? Da su
Pedro ja neicha jeutsutana:

—iMahue! Da hora su quitaita beju
huaripa deja queiana. Da su beju
Pedro etseque su cuinana putsu,
ebia su pana.



Da su pamapa su netiana putsu, Jesús
dusutana huecuana romano huaraji
aida Pilato peje su. Da su beju Pilato
ja Jesús quisabatana: —¿A da mida
judío cuana sa echua puji? Jesús ja
jeutsutana: —Ehe. Ema
da, cuaja mida epuani
batame. Pilato ja cristiano
cuana neicha quisatana,
Jesús mesiaja putsu. Beju

cristiano cuana id'aba putsu,
cha ebia su jubida tsiatsiatana

huecuana uja: —¡Curusu su
tataque! ¡Curusu su tataque!



Da su mimipetana huecuana su, Pilato
ja Jesús menajiatana soldado cuana
peje su tu curusu su patatata
huecuana puji. Beju dusutana
huecuana. Da su beju cuinanatana
huecuana curusu eti jude Calavera
banime murucu su.




Dapia cuinati putsu, Jesús curusu su
tatatana huecuana. Beta deja detse di
tatatana huecuana pia beta curusu
detse su. Piada Jesús sa
bai eni bene
netiatsuatana
huecuana.
Pia d'ani
bai bene
netiatsuatana huecuana.



Da hora quitaita su templo dume su telón aida, bauda,
pamuda badeji ebia jenetia ema su cuata
jabud'iutiana. Da hora su Jesús uja tsiatsiana:

—Tata, yama quema enid'u mi
emenajatiainia. Daja
emimiani je, manuana
beju.



Janahua tsine cuinaji mahue tsuhu
puina putsu, piada deja José
banime cuinana. Tueda da
Arimatea ejude jenetia
puina. Piada judío cuana
sa ehuidusuji aida
puina. Ebia su Diusu
peje su
janimetuheatiana.


Diusu ecuatsasiati
ed' uatana. Da su
tueda janimetuheatu
putsu, putiana Pilato
peje su Jesús sa
equita ebaja puji.



Da su José putiana ebabuji
chujeneda saida ebajati puji.
Jesús sa equita jemiute
putsu, babutana. Daja a
putsu, tumu epa sepulcro
su huananubiatana.
Sepulcro etsequeini
tumu butsama neje
teritana.



Beju pia huenati sacerdote huaraji
aida, fariseo cuana Pilato peje su
putitana. Uja Pilato
atana huecuana:
—Echua puji, ecuanaju
epibainia tueda bid'
umimi puji Jesús,
"Quimisha tsine
jenetia ema
eid'eyu", puana.



Da su putitaibana
huecuana. Tumu aida
bia su sello ichatana
huecuana. Templo sa
soldado cuana
ichatana huecuana
sepulcro
painatsihuata
huecuana puji.



Janahua tsine beju jaitianaja su,
beju domingo tsine ehuenani su,
María Magdalena, pia María
neje, sepulcro su neicha
jasiapatiana. Tuatse
ecuinhahu su, yahua
jubida ruburubuana.
Diusu sa ángel
cielo jenetia bute
putsu.

Tuahueda
sepulcro eteriji
tumu aida
ichaderatana. Tumu
bia su aniuteana
epuna detse ja
batana.



Inatsihuaji soldado cuana ja
ángel ba putsu, ebia su
riariatana huecuana,
iyuame epuani je. Yahua
su manudajajapetana
huecuana.



Da su ángel ja epuna detse uja atana:

—Be iyuame mepuji. Ema bahue

metseda Jesús tatajiji

echacuinia. Aimue upia

mahue. Beju id' eitiba,

cuaja tueda equene

quisa puana batame.

Mechamaque tu

esa mane eti jude.


Beju mue ai

biame.



Da su beju epuna detse tipeida putibana
discípulo cuana daja equisati puji.
Iyuame, beidaji neje putibana tse.
Beju tuatseda epuhu cama,
Jesús ja tsu putsu, mitsutana
tse. Jesús naria putsu, ebia
su beidaji neje mesa etsaja
su id'amitana tse.





Tije beju Jesús da mesa piada tunca piada ejaitiana
discípulo cuana peje su bataji puana. Tuneda
ediadiatani cama, Jesús bataji puana. Tu peje su jei
puja mahue, muesumu tadada ta putsu, d'ayatana
huecuana. Echua Puji Jesús ja discípulo cuana daja
quisape putsu, cielo su tsuatibana Diosu sa bai eni
bene yaniute puji. Da su beju discípulo cuana
putitaibana.



'Tata Diusu ja
pamapa cristiano
cuana ebia su ibuneda batana putsu,
mesa piada quita ebacua ye mundo su
beitutana mecuana sa jucha cuana
jepuiti emanu puji. Quebata tu peje
su jei epuani su, aimue matsejiji
epu mahue. Tueda da d' eji su
pu putsu, cielo su Diusu
neje eid' e
yanienitiyu.



Romanos 3:23

Pamapa cristiano cuana da Diusu butse su tupupai juchaji eputani. Tu butse su tsabaji mahue eputani mahue.

Romanos 6:23

Jucha jepuiti pamapa cristiano cuana sa manu taji. Daja biame, Diusu ja cha eid'e ameeniyu yata huecuana, ahua ecuana sa Echua Puji Jesucristo peje su jei eputa su.

Hebreos 9:27

Beju pamapa cristiano cuana sa piada nuati hue manu taji. Emanuta su, tuna sa ajiji ai cuana jepuiti Diusu ja equisabata huecuana.



Efesios 2:8,9

Diusu ja ecuana ebia su ibunebatana putsu, d' eji su atana, Cristo peje su jei puana putsu. Aimue ecuaneda quitaita d' eji su jaati cua mahue. Diusu ja bahui ecuana d' eji su atana, beju ecuaneda Cristo peje su janimetucheatiana putsu. Tuahueda ecuana cha d' eji su a hue atana. Aimue detse etse ai saida cuana a putsu, d' eji su pu cua mahue. Diusu ja bahui etse d' eji su yatani, Cristo peje su jei pu putsu. Da su beju aimue ecuaneseda ebia su aida jabati taji mahue, aimue ecuaneda quitaita d' eji su jaati cua mahue putsu.

Romanos 10:9,10

Uja ecuanaju quisaquisa epuani: Ahua quebata cristiano cuana butse su, "Cristo da quema Echua Puji", epu su, ahua Diusu ja Cristo id' emetana jei epu su, da su tueda d' eji su epu. Daja huecha Diusu ja tueda enimebutsepiatayu.



Juan 3:16,17

'Tata Diusu ja pamapa cristiano cuana ebia su ibuneda batana putsu, mesa piada quita ebacua ye mundo su beitutana mecuana sa jucha cuana jepuiti emanu puji. Quebata tu peje su jei epuani su, aimue matsejiji epu mahue. Tueda da d' eji su pu putsu, cielo su Diusu neje eid' e yanienitiyu. Aimue Diusu ja mesa Ebacua beitu ye mundo su cristiano cuana ematse puji mahue. Tueda beitutana cristiano cuana d' eji su paputa puji, tu peje su jei pu putsu.



1 Juan 5:11-13

Beju Diusu ja ecuana eid'e ameenitana tu neje cielo su yanienitiyu puji, ecuaneda Cristo neje dunejiji yani putsu. Quebata Cristo neje dunejiji yani, tueda da Diusu neje eid'e yanienitiyu. Quebata mu Cristo neje aimue dunejiji yani mahue, aimue Diusu neje eid'e yanienitiyu mahue. Edue cuana, micuaneda Cristo peje su jei puana putsu, yama micuana peje su ye quirica ebeituinia, micuaneda Diusu neje eid'e yanienitiyu bahue mepuque puji.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tacana NT (tna) © 2009, Wycliffe Bible
Translators, Inc. All rights reserved.

<https://live.bible.is/bible/TNATBL/MAT/1>

©2026 Bible for Children, Inc.

www.M1914.org

www.bibleforchildren.org

